



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Arelaten. Archiepiscopo & Suffraganeis ejus.

urn:nbn:de:hbz:466:1-20006

re. Eapropter &c. usque ad verbum assensu, auctoritate vobis apostolica indulgemus quòd si Episcopi, in quorum dioecesi Ecclesias parochiales habetis, in fata concesserint, & Ecclesias vestras interim vacare contigerit, Capellani in ipsis instituendi, ne ordinationes Ecclesiarum inutiliter differantur, ad præsentationem vestram ab eo qui sede vacante vices Episcopi debet de jure supplere, sine contradictione qualibet admittantur, qui vobis de temporalibus, Episcopis vel eorum officialibus de spiritualibus debeant respondere. Adjicimus etiam, quòd sicut rationabili consilio & providentia Capituli vestri Ecclesiam de Windesores ad cellarium & Ecclesiam de Alrichefeia & Ecclesiam de Herford & Ecclesiam de Nesinges ad vestimenta fratrum vestrorum inveniendâ, Ecclesias verò de Epinges & de Wdesford & de Neclesuvelle & de Luchenton ad usum sacristiæ vestræ de assensu dioecelani Episcopi assignastis, ita vobis vestrisque successoribus in perpetuum permaneant ad hos usus. Et ne impostero hæc assignatio vestra possit vel debeat in aliquo mutilari, ipsam auctoritate apostolica confirmamus & præf. &c. Decernimus ergo &c. concessionis & confirmationis &c. Datum Laterani VI. Idus Julij.

FRATRI RAINERIO,
apostolice sedis Legato.

Epist. 122.
Creat ipsum
Legatum apostolice
sedis in nonnullis
provinciis Gallie
canis.
De fratre Rainerio
vide lib. 1.
epist. 92. 93. 125.
249. 395. 449.

Licet solitæ solitudinis locum affectes, fugans vel fugiens potiùs tumultus secularium potestatum, ut Rachelis fovearis amplexu, & in lege divina jugiter mediteris, sedens secus pedes Domini cum Maria, cum tamen in lege mandatorum ipsius legeris quòd obedientia præferenda sit victimis, & proximum diligere debeas ut te ipsum, nec potes nec debes sic vivere soli tibi ut vel recedas ab obedientia præsentis vel proximorum salutem negligere videaris, sed à contemplatione Mariæ ad actionem Marthæ teneris saltem ex obedientiæ virtute descendere, ut in Lia Rachelis sterilitatem tua prædicatione fecundes, dum quod in solitudinis & claustrii silentio didicisti, juxta mandatum evangelicum prædicaveris super recta, & talenta tibi credita erogaveris ad usuras. Nos autem, qui, licet immeriti, vices ejus tenemus in terris qui discipulis suis officium prædicationis injun-

xit, *Ite*, inquit, *in orbem universum, prædicare Evangelium omni creaturæ*, plenè de tua conscientia & religione confisi, plenè tibi legationis officium per Ebreundensem, Aquensem, Arelatensem, & Narbonensem provincias duximus committendum; corrigendi & statuendi tam in monasteriis quàm aliis Ecclesiis quæ correctione vel institutione cognoveris indigere, audiendi & decidendi vel etiam committendi causas, & absolvendi eos qui ob violentam manuum injectionem in Clericos vinculo sunt excommunicationis astricti, si ex injectione tali vel enormis læsio vel homicidium non fuerit subsecutum, confutandi hæreticos, & cogendi eos redire ad catholicam fidei unitatem, & plenæ legationis officium super his & aliis exequendi, & percellendi pœna canonica contumaces, indulgentes tibi auctoritate apostolica liberam facultatem. Nulli ergo &c. concessionis &c. Datum Laterani IV. Idus Julij.

ARELATEN. ARCHIEPISCOPO
& Suffraganeis ejus.

IS cujus omnes viæ misericordia sunt & veritas testante Psalmsista, cujus omnia verba doctrinam sapiunt salutarem, cujus opus exemplum nobis vitæ sanctioris ostendit, licet solo verbo virtutis suæ possit & poterit universa, utpote qui dixit & facta sunt, mandavit & creata sunt, operarios tamen in vineam suam & messem induxit, & præter sacrum duodenarium discipulorum numerum, quibus potestatem ligandi contulit & solvendi, alios septuaginta duos elegit, & binos illos ad prædicandum direxit, indulta eis calcandi super scorpiones & regulos potestate, nobis relinquens exemplum ut vestigia ejus, quantum fragilitas humana permittit, in debita humilitatis devotione sequamur. Hoc sanè apostolica sedes, quæ cunctarum Ecclesiarum à Domino in beato Petro magisterium obtinuit & primum, assidua meditatione revolvens, multos in partem creditæ sollicitudinis evocavit, ut in diversis mundi partibus per eorum præsentiam ipsius absentia suppleretur, & defectum unius multorum relevaret affectus, quorum sollicitudo diligens & sollicita diligentia expeditius in singulis provinciis & eradicaret noxia, & profutura plantaret. Nos etiam, qui, licet immeriti, vicem Christi

Epist. 123.
Vt Rainerium
sedis apostolice
Legatum reverenter
& benigne
tractent.

tenemus in terris, nostram insufficientiam attendentes, quorum mentem diversæ diversarum Ecclesiarum jugiter necessitates urgent, quorum corpus assidui conquerentium clamores affligunt, præter eos quibus pars est solitudinis nostræ commissa, cum necessitas exigit, vel requirit utilitas, in diversas provincias Legatos à nostro latere destinamus, quibus tanto amplius credatur à subditis, quanto specialius eis apostolicæ sedis auctoritas delegatur. Dilectum itaque filium nostrum fratrem Rainerium, virum vitæ probatæ ac conversationis honestæ, Deo & hominibus obtentu suæ religionis acceptum, cujus scientiam & industriam in similibus jam sumus experti, commisso ei plenæ legationis officio ad partes vestras duximus destinandum, ut evellat quæ evellenda cognoverit, & plantet quæ plantatoris cognoverit officio indigere, specialiter autem & præcipue ad confutandam hæreticam pravitatem assurgat, & scorpionum illorum aculeos omnipotentis Dei virtute reprimat & conculcet, qui virus draconis in aureo calice Babylonis propinant, habentes, secundum Apostolum, speciem pietatis, virtutem autem ejus penitus abnegantes; quorum principium religionem palliat, medium non docet sed seducit indoctos, finis perpetuum interitum comminatur: qui etiam secundum evangelicam veritatem ad nos veniunt in vestimentis ovium, intrinsecus autem sunt lupi rapaces. Monemus igitur fraternitatem vestram & exhortamur in Domino, ac per apostolica vobis scripta districtè præcipiendo mandamus, quatenus eundem Legatum sicut personam nostram recipientes humiliter & devotè, quæ ipse inter vos statuenda duxerit seu etiam corrigenda, recipiatis humiliter, & inviolabiliter observetis; præsertim autem contra hæreticos taliter ipsi curetis adesse, ut per sollicitudinem vestram & diligentiam ejus, vobis cooperantibus, de partibus vestris gens extirpetur iniqua, & confutata hæreticorum perfidia, doctrina prævaleat salutaris, & falsis dogmatibus reprobatis, vivat & invalescat apud vos veritas in æternum. Datum Laterani Nonis Julij.

In eadem modum Narbon. Archiepiscopo & suffraganeis ejus, Aquen. Archiepiscopo & suffraganeis ejus, Ebreduenen. Archiepiscopo & suffraganeis ejus.

DECANO ET CAPITULO
Aquilegensis.

Constitutus in præsentia nostra dilectus filius P. Ecclesiæ vestræ Præpositus sua nobis conquestione monstravit quòd vos ipsum villa de Dranis, quæ est inter beneficia vassallorum, ad ipsum ratione præposituræ de jure spectante, sicut in privilegiis vestris perspeximus contineri, prætermisso juris ordine contra justitiam spoliastis, eam venerabili fratri nostro Patriarchæ vestro motu propriæ voluntatis in dicti Præpositi præjudicium assignantes. Cum itaque non sit alicui consulendum cum alterius detrimento, universitati vestræ per apostolica scripta mandamus & districtè præcipimus quatenus præfatam villam cum omnibus pertinentiis suis & fructibus inde perceptis & omni integritate in qua tempore donationis exitit, memorato Præposito restituere non tardetis, famulos quoque à suis prædecessoribus infeudatos quò minus dictus Præpositus instituere possit, & etiam infeudare, prout ad ipsum de jure pertinet, impedire minimè præsumatis. Alioquin dilecto filio G. Tergestino electo præcipiendo mandamus ut ipse vos ad ea quæ præmisimus, prout justum fuerit, per censuram ecclesiasticam appellatione remota compellat. Nullis litteris &c. Datum Laterani IV. Idus Julij.

POPON. CANONICO FRISAGEN.

Um de consuetudine Erisagen. Ecclesiæ fructus præbendæ tuæ proponaris hætenus, sicut & alij Canonici faciunt, liberè percepisse, nolentes ut super his juri tuo processu temporis præjudicium generetur, ut eos de cetero, sicut fecisti hætenus, percipere valeas & habere, non obstante si quid in absentia tua factum est in præjudicium tuum contra priorem consuetudinem Ecclesiæ memoratæ, auctoritate tibi præsentium indulgemus. Nulli ergo &c. Datum Laterani II. Idus Julij.

ABBATI ET CONVENTUI
de Vvalthan.

Um à nobis petitur &c. usque ad verbum assensu, jus quod habetis in Ecclesia de Scerninges, sicut illud justè & canonicè possidetis, auctoritate
Ggg iij

Epist. 124.
Ut Præpositum
suum spoliatum
restituatur.

Epist. 125.
Ut Præbendæ
sue fructus percipiat.

Epist. 126.